



Republika e Kosovës
Republika Kosova – Republic of Kosovo



Komuna e Prishtinës
Opština Priština – Municipality of Prishtina

Në bazë të nenit 12, paragrafi 12.2, pika d e Ligjit nr.03/L-040, për vetëqeverisje lokale (“Gazeta zyrtare e Republikës së Kosovës”, nr.28/15, qershor 2008), të dispozitave të nenit 2 dhe nenit 8 të Ligjit për financat e pushtetit lokal, nr. 03/L – 049 (“Gazeta zyrtare e Republikës së Kosovës”, nr. 27/2008), dhe të dispozitave të nenit 34, paragrafi 34.1, pika d e Statutit të Komunës së Prishtinës, 01 nr. 110 – 391, të dt. 25.2.2010, Kuvendi i Komunës së Prishtinës, në mbledhjen e mbajtur më 27.05.2016, miratoi këtë

V E N D I M
PËR PLOTËSIMIN E RREGULLORES PËR TARIFA, NGARKESA DHE GJOBA KOMUNALE

Neni 1

Miratohet Vendimi për plotësimin e Rregullores për tarifa, ngarkesa dhe gjoja komunale, 01. nr. 110 – 2782, të dt. 2.12.2011.

Neni 2

Në nenin 2, pas paragrafit 4.2 shtohet paragrafi 4.3, me këtë përmbajtje:

4.3 “Në rastin e regjistrimit të pronësisë së përbashkët të bashkëshortëve, bashkëshortët paguajnë bashkërisht vetëm për një njësi”.

Neni 3

Ky vendim hyn në fuqi 15 ditë pas regjistrimit në zyrën e protokollit të Ministrisë për Administrimin e Pushtetit Lokal si dhe publikimit në gjuhë zyrtare në ueb faqen e Komunës.

KUVENDI I KOMUNËS SË PRISHTINËS
01 nr. 006-133231 ,më 31.05. 2016



Arsyetim

Me qëllim të stimulimit të regjistrimit të pronave të paluajtshme të përbashkëta në emër të dy bashkëshortëve në regjistrat publik, propozohet ndryshimi i Rregullores për tarifa, ngarkesa dhe gjoba komunale, 01. nr. 110 – 2782, dt. 2.12.2011.

Neni 2, paragrafi 4 i Rregullores për tarifa, ngarkesa dhe gjoba komunale, përcakton tarifën në transaksionin në pronë. Tarifa në transaksionin në pronë paguhet 150 € për njësi, nga secili blerës veç e veç në kontratën e përbashkët. Me propozimin për plotësim-ndryshimin e rregullores, bashkëshortët me rastin e regjistrimit të pronave të pa luajtshme të përbashkëta në emër të tyre, do të paguajnë të dy bashkërisht për një njësi.

Kjo qasje është në përputhje edhe me masat e ndërmarra në nivel shtetëror për këtë çështje, përkatësisht Udhëzimin administrativë (QRK) 03/2016, për masat e veçanta për regjistrimin e pronës së paluajtshme të përbashkët në emër të dy bashkëshortëve.